

n u t a a r s i a s s a t

Nuna Tamakkerlugu Ilitsersuisarfik Septemberi 2020

# NUTAARSIASSAT


SAQQUMMIUSSAQ PINGAJUAT





# IMARISAI

## SEPTEMBERI 2020

- 04 VGU ukioq 2019/2020 naammassinnittut pilluaqqugut
  - 06 Ilinniarnerup aallartinnera
  - 07 Ilitsersuisarfimmi maanna sammisat siunissamilu sammineqarumaartussat
  - 08 Kalaallit illuinit
  - 10 Lisbeth Højdalimik apersuineq
  - 12 Sunngu
  - 14 Ilinniartunik Siunnersuisarfimmiit
- 

# ASASARA ATUARTOQ



Coronap suliatsinnik sammisatsinnillu pissanganartunik aallartileraluakkatsinnik unititsinera-  
rata kingorna kiisami aallartilluaqqinnerup nuannissusia ☺ Feeriarnissamut periarfis-  
saqarnermi tamanna killiliisimagaluaq aasarsiorluarsimassasusi neriuutigaara. Nunarput or-  
nitassarpassuarnik nuannersunik neqeroorpoq ☺ Maanna aallartilluarnissamut, ilinniarti-  
taanerit aqqutisiuussinerillu sapinngisamik pitsaanerpaamik aallartinnissaannik qulakkeeri-  
nissamut piffissanngorpoq. Nutaarsiassiivimmut matumunnga tikilluarit, atuarluarna!

## Aaqqisuisutut attavissaq

Nuna Tamakkerlugu Ilitsersuisarfimmit saqqummersitaq

Aaqqisuisutut akisussaasoq: Christine Tønnesen, [chto@aqqut.gl](mailto:chto@aqqut.gl)

Layout: Kristian Aagaard, [kraa@aqqut.gl](mailto:kraa@aqqut.gl)

Nuna Tamakkerlugu Ilitsersuisarfik

Imaneq 24A, 1. og 2. sal

3900 Nuuk

Emaili: [nti@aqqut.gl](mailto:nti@aqqut.gl)


Oqarasuaat: 345850

[aqqut.gl](http://aqqut.gl)



# VGU UKIOQ 19/20 PILLUARITSI

Aqqutissiuussisunik nutaanik 16-inik, tunngaviusumik ilinniartitaanermik aggustip naggataani naammassioqarnera nuannaarutigarput. Corona pissutaalluni qaammatinik marlunnik kinguaattoorput. Takkullutik sorarummeersinneqarsinnaanersut paasilluanninnatsigu, soraarummeernissap tungaanut unammilligassaqaatsiarsimavoq. Naggataagut billitsit utertinnartariaqarsimavagut, qarasaasiakkullu soraarummeersitsilluta. Sorpassuit tassanngaannaq minnerungitsumillu teknikkikkut allatut piareersartariaqalersimapput. Qujanartumilli suut tamarmik iluatsipput maannalu nunarput aqqutissiuussisunik 16-inik pisuunnguallappoq!



# virtual graduation

Aaku aqutissiuussisunngorlaat aqqi:

Mette Josvassen	Ittoqqortoormiit
Lillian Petersen	Narsaq
Wyrna Petersen	Narsaq
Hans Christian Dahl	Narsaq
Stine Lange	Qaqortoq
Angerla Kielsen Olsen	Qaqortoq
Poul Jørgensen	Qaqortoq
Ina Zeeb Heilmann	Nuuk
Rita Manja Geisler	Nuuk
Paornáguak´ Lynge Hansen	Nuuk
Tanja Knudsen	Nuuk
Ruddie Motzfeldt	Maniitsoq
Gerda Berthelsen	Sisimiut
Kaja Olsen	Aasiaat
Nora Kristensen	Aasiaat
Oline Olsen	Uummannaq

Aqutissiuussisunngorlaat tamassi pilluangaaritsi.

Ulloq taanna ataatsikkut ilinniakkaminnik naammassinninnermut uppersaammik tunineqanngimmata aqutissiuussisunngorlaat ajoraluartumik ataatsimoortillugit assilisinnaasimanngilagut. Qarasaasiakkut ”ilassinnittoqarpoq” ☺

VGU-nikuunngilatit? [VGU 2020/2021 QINNUTEQARIT](#), novemberi aallartittussaq.

# ILINNIARNERUP AALLARTINNERA

Ukialerpoq tamannalu ilinniarnelit aallartinnerannik isumaqarpoq. Amerlanerpaat ilinnialerlaanut paasissutissiisarpusi. Inuusuttut inersimasullu aallartereersut imal. ilinniarnerninik nangitsisut assigiinngitsunik piginnaaneqarput.

Ilinniartunik Siunnersuisarfik illoqarfinni tallimani paasissutissiinerni peqataavoq, attavigereersimangikkussiuk Ilinniartunik Siunnersuisarfiup sulinera neqeroorutaalu pillugit saqqummiussinissaa kissatigisussiuk attavigeriaannaavarsi.

Ulluni makkunani corona ukkanneqaqaaq. Danmarkimi sumiiffinni assigiinngitsuni ajoralu-artumik suli nappaalasoqallattaavoq taakkulu ilagaat ilinniarfiit. Taamaammat aamma sutigut tamatigut mianersornissamut suli pissutissaqarpoq. Nunatsinni coronap ingalassimatinniaannarnissaa neriuutigaarput.

Nunatsinni corona takkuteqqippat imal. takkuteqqissappat, tuniluutilernissaa ingalassimaniarlugu corona pillugu killilersuinernik malinninnissamut inassuteqarnissarsi neriuutigaara.



# ILUTSERSUISARFIMMI SAMMISAT

*- siunissamilu sammineqarumaartussat...*

Ilitsersuisarfimmi coronamit killilersuinernillu saqqummiunneqartunit unammillerneqangaatsiarpugut. Sammisat pilersaarutigisagut naammassisinnaanngilagut taamaammat sammissanik allanik suliaqarneq aallartipparput.

Maanna qarasaasiakkut qanoq iliorsinnaanermik misissuineq aallartipparput. Aaqqisuussinerit amerlasuut qarasaasiakkut ingerlanneqarnerat, ajornanngittariaqaraluaq ajoraluartumik unammilligassat allat takkuttarput- soorlu ilinniartitaaneq pillugu paasititsiniaalluni angalane-rup qarasaasiakkut ingerlanneqarsinnaaneranik misissuinitinni illoqarfiit ilinniartoqarfiit tamakkerlugit assigiimmik periarfississinnaanagit paasivarput. Tassalu uagut qitiusumiit aaqqisuussinissamut piginnaasagut. Taamaammat illoqarfiit ilinniartoqarfiusut namminneq aaqqisuussisinnaanerat toqqarparput.

Ilitsersuisarfiup najukkani aqqutissiuussisut attaveqatigiittut ataatsimmiittarnissaat salliuk-kusuppa, taamaammat ukiaq manna 2021-imilu upernaakkut illoqarfinnut assigiinngitsunut angalarusuppugut.

Qaqugu qanorlu ililluta pikkorissaasinnaanermik misissuineq aamma aallartipparput. Pikkorissaanerit naapertuuttut arlallit neqeroorutigerusukkaluaqaagut.

Modulip nangitsiviup tullissaa pilersaaruserukkaluaqaarput, tamatumali aatsaat siusinnerpaamik 2021-ip aallartisimalernerani aallartissinnaanissaa naatsorsuutigaarput.

## **Aqqutissiuussisut ataatsimeersuarnerat**

Nuna tamakkerlugu aqqutissiuussisut ataatsimeersuarnissaat siusinnerpaamik 2021-imi ukiak-kut pisussatut aaqqisuussinnaavarput.

# KALAALLIT ILLUINIT

## Rollespil-ernikkut kalaallit ilinniartut pikkorissassapput

Københavni Odensemilu Kalaallit Illuutaannut attaveqarlutik ilinniartut rollespil-ernikkut (inuk allaasuusaarnikkut) oqallinnermut tunngavilersuinernullu pikkorissarsinnaangussapput.

Kalaallit ilinniartut ilaasa, eqimattani atuaqatimi akornanni misilitsinnerniluunniit, isummorsoneq itisiliinermilu tunngavilersuineq ajornartittarpaat. Suliami Pakkummi aqutsisuusup, Kistaraq Egedep, taanna pequtaatippaa, ilinniartut angusinnaasatik tamaasa angunagillu sapinngasaminnik takutitsinngitsoortarnerannut.

”Misilitsittarninni soraarummeersitsisuniit arlarleriarlunga oqarfigitittarnikuuvunga, misilitsinnermi tusaasinnaasaraat oqaatigisimasanniit sapinngisakka amerlanerusut. Kisianni tassa oqaatigisimasakka taamaallaat malillugit karakteriliisinnaallutik.”

– Suliami aqutsutsisoq Kistaraq Egede

Tamanna ajornartarsiut ikiorserniarlugu, Pakkut nerrivik kaajallallugu rollespil-ernernik 3-nik septembarip, oktobarip novembarillu naalerneranni Københavni Odensemilu ingerlatsitsiniarpoq. Taakkunani ilaasut inuk allaasuusaarnikkut oqalliseqataaneq isummaminillu tunngavilersuineq sungiusassavaat. Ilanngullugu ilaasut allatut imminnut qivarsinnaalissapput, taamaasillutillu sanngiiffitik nukittuffitillu takusinnaangorlugit.

”Rollespil-ernikkut soraarummeernermit sungiusarnera killissanik qaangiinareqaara – kisianni iluartumik.”

– uumasunik nakorsangorniaq Malu Hoseassen Samuelsen, rollespil-ernermit misiliutimi ilaanikoq

Ilinniartut rollespil-ernermit ataatsimi arlalinnuunniit allatsissinnaapput. Rollespil-erni 3-ni oqalliseqataaneq, saqqummiineq soraarummeernerlu qulequtaassapput. Ilaasussat toqqissisimaniassammata ilaasut 6-it qaangissanngilaat. Rollespil-ernermit aqutsisuulluni oqaluttualiortuussaaq Nikolaj Gedionsen. Nikolajip nammineq Danmarkimi kalaaliulluni ilinniartuuneq misiginikuuaa.



## Paasissutissat—Pakkut

Suliap kalaallit ilinniartut ilisimatusarnermi oqaaserisat danskillu (ilinniarfinni) kulturiannut ilisimasaqarnerunissaat anguniarpaa. Taamaasilluni decembarip tungaanut uku suliap ingerlatissavai:

- Danmarkimi kalaallit ilinniartunut Internettikkut isummersoqatigiilluni pikkorissaanerit – ilinnialeqqaarnermiit misilitsinnernut
- Ilinniakkeriffiuutigaluni kaffisorniartarfik (café)
- Rollespil-ernerit
- Kalaallit Illuutaanni Københavni Odensemilu kajumissutsiminnik ilinniartunik ikiuisar-tunit ikiortinnerit

Københavni Odensemilu Kalaallit Illuutaasa suleqatigiinnerasigut Pakkut pilersinneqarpoq Danmarkimilu Ilinniarnermut Ilisimatusarnermullu Ministereqarfimmit, Meeqqat Isumaginnin-nermullu Ministereqarfimmit aammalu Aningaasaqarnermut Ministeriarmit ukiuni 4-ni, 2019-imi aallartittumi, aningaasalerneqarpoq.

### Pakkummi pikkorissaasut

Nikolaj Gedionsen tuluit oqaasiinik aammalu nunarsuaq tamakkerlugu inerisaarnernik misis-suinerni ilisimatusarnermut ilinniarnikuuvoq. Ulluinnakkut Odense Tietgen Skolen-imi ilinniartitsisuuvoq. Nikolaj Nuummi inunngorlunilu peroriartornikuuvoq ukiunilu 15-t sin-nerlugit rollespil-ertartuunikuulluni. Nikolaj ilinnialeqqaanut pilersaarusionermullu pikko-riassaasaaq aammalu rollespil-ertitsisuussalluni.

Nina Gøthche qallunaat oqaasiinik aammalu eqqumiitsuliornerup oqaluttuarisaanerani ilisimatusarnermut ilinniarnikuuvoq. Nina ilinniarneqqortuunngorniarni pædagog-ingorniarni allaffimmiunngorniarni politiunngorniarni meeqqallu atuarfimi Kalaallit Nunaanni, Norgemi Danmarkimilu sulinikuuvoq. Nina qallunaatut oqaluttari-arsornernik allattariarsornernillu pikkorissa-assaasaaq.



### Kalaallit Illuutaat

Danmarkimi Kalaallit Illuutaat Kalaallit Nunaat kalaallillu pillugit paasitsiniaasarpaq. Ilinniartunut ikiuinnermut immikkoortortaqarfii Kalaallit Nunaanniit ilinniarusuttut ilinniartullu allaffissornikkut isumagineri aqutsissiuunnerilu isumagisarpaat.

Københavni Odensemilu Kalaallit Illuutaasa Region Syddanmark, Region Sjælland aamma Region Hovedstaden-imiittut sullittarpaat.

# APEQQARISSAARNEQ: LISBETH HØJDAL

*”Aqutissiuussisoq toqqaanermik toqqaaniarnermillu immikkut  
ilisimasaliuvoq ”*

*- Aqutissiuussisutut tunngaviusumik ilinniartitaanermi ilinniartitsisumik  
Lisbeth Højdalimik apersuineq*

**Illunik qalipaasutut ilinniarsimavoq.**

Lisbeth illunik qalipaasutut, qalipaasutut ilinniakkamik qaffasinnerusumik nangitamik ilinniagaqarpoq. Kingorna Lisbeth RUC-imi inuiaqatigiit pillugit ilisimatusarpoq, Sverigimiit sunngornissamut aqutissiuussinermi bacheloriulluni Stockholmilla universitetianit taamatuttaaq aqutissiuussinermi kandidatiulluni. Lisbethip tamatuma nalaani ilinniartitaaneriit taamaattut nangitsiviillu Danmarkimi ingerlanneqanngimmata Sverigimi ingerlappai.



**Danmarkimi Norgimilu aqutissiuussisutut ilinniartitsisoq.** Lisbethip atorfigisimasai immikkoortut arlaliupput. Hillerødimi Teknikkimit Ilinniartifimmi faglærerit aallartippoq kingornalu Arbejdsministeriamut Ilinniartitaanermut Inuussutissarsiummullu aqutissiuussinermut siunnersuisoqatigiinni siunnersortitut ilinniarnermik ilallugu. Kingorna Frederiksbergs Tekniske Skolimi 22-inik aqutissiuussisulimmi aqutissiuussinermi immikkoortortamut aqutissisutut atorfinippoq. 2001-imi Danmarkimi aqutissiuussinermi inuussutissarsiummut tunngatillugu qaffasissumik ilinniagaqarnermik siullermik aallartitseqataavoq. Tamatuma kingorna aqutissiuussisunik ilinniartitsisusarpoq, Danmarkimi Norgimilu aqutissiuussinermi masterinngornianut avataaneersutut lektor-iusarpoq. 2013-imiit nunatsinni aqutissiuussisutut tunngaviusumik ilinniartitaanermut ilinniakkap aaqquisuussaanera ingerlanissaalu pillugit malerua-gassanik suliarinneqataaffigisaminut aalajangersimasumik atasuteqarpoq.



### **Aqutissiuussineq iliniagaralugu.**

Aqutissiuussisutut tunngaviusumik ilinniartitaanermik aallartitsinerup siunertaa tassaavoq aqutissiuussinerup immikkut ilinniakkatut akuersissutigittinniarnissaa. Aqutissiuussisutut tunngaviusumik ilinniartitaanermi aqutissiuussinermut tunngatillugu isumaliutersuut ilinniartitsissutaasarpoq. Aqutissiuussinermut tunngatillugu isumaliutersuutini sunngornissamut atattillugu inuttut iliuuserisat paasinissaat ukkanneqarpoq. Aqutissiuussinermi sunngorniarneq ”inuunerup ingerlaneratut”, tassalu iliuuserisat ilinniakkatsinnut kingornalu suliffigiligassatut toqqaanitsinni aalajangiisutut paasineqarpoq. Aqutissiuussisutut tunngaviusumik ilinniartitaanermi toqqaanissamut tunngatillugu inunnik aqutissiuussinermi isumaliutersuutininik eqqortunik atuinissaq ilinniartitsissutaasarpoq. Taamaammatt aqutissiuussillammak tassaavoq inuk pingaarnertut misigittartoq inunnillu tamanik oqaloqateqarsinnaasoq. Inuttaanut tunngatillugu assigiinngissutsinik, allanillu eqqarsaateqarnermik/ukkassinnginnermik avaqqutsinnaaneq taamaallaallu aqutissiuunneqarnissamut pisariaqartitanik apersuinissamik piginnaasaqarneq tunngaviusumik aqutissiuussisutut piumasaqaataavoq. Aqutissiuussineq siunnersuinerunngilaq. Tamatta toqqaanitsinni inunnit arlaanniillu sunnerneqartarpugut, aqutissiuussillammaap kimit sumillu sunnerneqarneq suussusersinnaavaa aqutissiuunneqartorlu toqqaanissaanut tapersorsorlugu.

### **Pitsaasumik aqutissiuussineq**

Aqutissiuussillammak inunntut, ilinniarfinnut ilinniartitaanernulluunniit ataasiakkaanut immikkut sunniuteqarsinnaavoq. Aqutissiuussilluarneq ilinniartitaanerni ilinniartut piareersarluarsimanissaannut naggataagullu sunngornissaminnut iliuutsiminnullu akisussaaassuseqarnerunissaannut qulakkeereqataavoq. Aqutissiuussilluarnerup maanaannaq unititsisut ikilisitarpai ilinniartullu ilinniartitsisullu akornanni ingerlalluarneq annertusillugu. Aqutissiuunneqarsimannigineq patsisaalluni ”amerlavallaat suna pillugu tassunga killisimanertik naluaat”. Ingerlatsinerit sunngornissamut pingaarutillit, toqqaanissamut iliuuseqarnissamullu pisariallit, siunnerfilimmik ukkassalimmillu aqutissiuussinikkut aallartinneqartarput.

# KLUMME: SUNNGU

ALLATTOQ: Pilo Samuelson

EMAIL: pisa@aqut.gl

BLOG: www.aqut.gl

Sunngu ukiorpanni tassaasimavoq aqutissiuussisut aqutissiuunneqarniallu nunatsinni nunattalu avataani ilinniartitaanerit pillugit paasissutissanik pissarsiviginnaasimasaat. Ajoraluartumik Sunngu naapertuuttunik nutarterivigineqartarnissaa amigaataasimavoq. Tamanna Ilinniartitaanermut Naalakkersuisoqarfiup Digitalimik Sullissinermut Aqutisoqarfiup NTI-llu suleqatigiinnerisigut aaqiivigineqalerpoq.

Sunngumik nutarterineq annertujaq angusaqarluarfuniartorlu aallartereerpoq. Qaqugu Sunngup nutaap atorneqarsinnaalernissaa oqaatigissallugu siusippallaarpoq. Taamaakkaluaq maanna naam-masseriikkat suunerannik paasissutisseerusuppugut.

## Sullissivimmi Sunngu

Sunngu nutaaq Sullissivimmiilissaaq, paasissutissanik nunatsinni ilinniartitaanernut akuerisaasunut tamanut tunngasuinnaangitsunik pissarsisoqarsinnaangussaaq aammali tamatuma peqatigisaanik nunatsinni ilinniartitaanernut akuerisaasunut tamanut qinnuteqartoqarsinnaangussalluni.

Sunngulu Sullissivik.gl-imiilerpat Sunngumik taaguuteqartiinnassavarput!

sullissivik.gl



**Uddannelsesguiden**

På Sunngu er det muligt for dig at finde informationer om uddannelser i Grønland og om dine muligheder for at studere i Danmark og udlandet.

## Arktisk byggeri og infrastruktur

Interesserer du dig for ekstreme klimatiske forhold og vil du gerne være med til at udvikle helt særlige teknologiske løsninger, der tager hensyn til de arktiske forhold?



## Adgangskrav og ansøgning

For at blive optaget på uddannelsen skal du have:

- GUX + specielle krav eller
- EUD + GUX-GSK

Søg uddannelsen

## Faktaboks:

- Varighed: 4 år
- Adgangskrav: GUX + specifikke krav eller EUD + GUX-GSK
- Der er to ansøgningsfrister: For kvote 2 er ansøgningsfristen den 15. marts kl. 12.00 og for kvote 1 er ansøgningsfristen den 5. juli kl. 12.00.
- Økonomi: Uddannelsesstøtte
- Undervisningssprog: Dansk og Engelsk
- Mere info: [www.dtu.dk](http://www.dtu.dk)

Uddannelsesnr: 820025

Arktisk byggeri og infrastruktur er en 4-årig diplomingeniøruddannelse rettet mod at udvikle særlige løsninger til det arktiske klima.

## Nem ID

Nem ID- atorlugu Sunngumi ilinniakkanut toqqaannartumik qinnuteqarsinnaavutit.

Nem ID- qanngikkuit allaffik innuttaasunik kiffartuussivik qaninneq attavigissavat.

Inuup qarasaasiakkullu sullississutit assigiinngitsut akornanni attaveqatigiinnermi nutaami, Sullissivimmuut nuunnermi ujaasinermik sumiissusersiornermillu ajornannginnerulersitsinis-samik siunertalimmik nutaamik ilusiliisoqassaaq.

## Nassuiaatit nutartikkat

ilinniartitaanerit Sunngumi takuneqarsinnaasut nutartikkanik nassuiaatitaqassapput.

## Qinnuteqarnermi piumasaqaatit

Sunngumi ilinniartitaanerni tamani qinnuteqarnissami piumasaqaatit ilisimatitsissutaassapput. Qinnuteqarnissamut piumasaqaatit eqquutsinnerallu nalornissutigisukkit najukkanni Majoriami imal. eVejledningimi: <https://aqqut.gl/evejledning/> aqqutissiuunneqarsinnaavutit.



## ILINNIARTUNUT SIUNNERSUISOQARFIMMIT

ALLATTOQ: [Lars Husted](#)

EMAIL: [lahu@aqqt.gl](mailto:lahu@aqqt.gl)

BLOG: [www.aqqt.gl](http://www.aqqt.gl)

### Ilinniartunik Siunnersuisarfiup suliassaasa qiterisaat suua?

Ukioq ilinniarfik nutaaq aallartippoq eqqarsarpungalu tarnip pissusaagut inuttullu inooqataanikkut ukkassatta suuneranik missuinissamut tamanna periarfissatsialaasoq. Ilinniartunik Siunnersuisarfik qaffasissumik ilinniagallit inuttut ingerlalluangitsut pisari-aqanngitsumillu sivitsuiffusinnaasut ilinniar-nerminnulluunniit unitsitsiinnarsinnaasut ikiorniarlugit pilersinneqarpoq. Tamanna pingaarnertut katsorsaaneq aqqutigalugu suliaraarput. Taamaalilluni Ilinniartunik Siunnersuisarfimmi sullissanut toqqissinartuunis-saa anguniagaavoq. Illoqarfinni allaffeqarfi-ginngisatsinni qarasaasiakkut katsorsaaneq taamatulli toqqissinartuussaaq, tamanna taakkunani ilinniarfiit suleqatigalugit anguneqassaaq.

Tamatuma peqatigisaanik ilinniartut akorn-anni inuttut inooqataanikkut tarnikkullu ajornartorsiutinik allatigutaaq iliuuseqarnik-kut pitsaaliueqataanissaq Ilinniartunik Siun-nersuisarfimmut suliassaavoq pingaarutilik. Siuliani pineqartut nutaarsiassaannikkaluit ilinniarnerup aallartinnerani inuiaqatigiinni suliassatta eqqaamanissaa pitsaasuusoq eqqarsarpunga.

## Asakka aqutissiuussit

Soorunami ilinniartut inuttut ingerlalluanngikkunik imal. kajumissuseqanngikkunik tamanna ilinniarnermut ilinniakkamillu naammassinninnissamut pitsanngitsumik kinguneqassaaq. Ilinniartut ulluinnarni pingaartumillu soraarummeernissap qanillinerani ilungersualernermik/stress unammillerneqarsinnaapput. Tamatuma saniatigut kiserliorneq inuttullu ajornartorsiuteqarneq ilinniartup inuttut ingerlalluarnissaanut ilinniakkaminillu naammassinnissinnaanissaanut pingaaruteqarpoq.

Qanorli iliortoqarsinnaava ilinniartoq nammineq uatsinnut saaffiginninngippat? Qaqugu inuit tapersorneqarnissamik imal. katsorsartinnermut atatillugu oqaloqateqarnissamik atorfissaqartitsinerannik naliliinissaq ajornakusoorsinnaasoq eqqarsarpunga. Ilinniartut uatsinni neqeroortinik ilisimanninnissaat tamatigullu uatsinnut saaffiginnittarnissaat iliuuseqarfigineqarsinnaasoq neriuutigaara. Taamaammat ilinniartuutissi pisariaqartitsinerminni nammineq uatsinnut saaffiginninnissaannut kajumissaarsigit. Ilaat eqqarsassapput ilinniartunik ikiueriaaseq tassaassasoq tamanik akuleruffiginninneq imal. ass. eqimattanik katsorsaannissamik neqeroorneq. Taamaakkaluaq innuttaasunik pisariaqartitsinngitsunik katsorsaanerup, ilaasa qanoq innerannik ajornerulersitsisinnaanera misissuinerit takutippaat. Pisariaqanngitsumik katsorsaasoqaqqunagu ikiortari-allit kinaassusersinissaat pingaaruteqarpoq.

Ilissi nammineq inunnik isumaginninnermut atatillugu perorsaanermi iliuuserisasi suli pingaaruteqarputtaaq; inuttullu inooqataanikkut ilinniagaqassutsikkullu siuarsaneq minnerpaamik uagut iliuuserisatsitut pingaaruteqaartigaaq. Inuusuttut tapersersoneqarnissaq, piunasaqaatinut pissut-sinullu nutaanut naleqqussarnissaq pisariaqartippaat taamatullu atuaqatigiinni ataqatigiilluarnissamut kajumissaarneqarnissaq pisariaqartillugu.

qanittumi allamik atorfinittussanngorama una ajoraluartumik tassaavoq naggammik tarnip pisusaanik immikkut ilisimasalittut pisortaaninni nutaarsiassinera, tamassinnik suleqateqarneq nuanneqaaq, taamaammat tamatumunnga qujanaq. Kingoraartissaralu uatuulli ataqatigiilluarnissarsi neriuutigaara.

Inuulluaqusillunga


Lars Husted





# eVejledningi

Inuit ilinniartitaanermut tunngatillugu aqutissiuunneqarnissamik pisariaqartitsisut ikior-nissaannut eVejledningip tamatigut piareersimanera eqqaamajuk. Sukkulluunniit mailik-kut attavigisinnaavatsigut ullut tamaasa nal.10:00-imiit 16:00-imut oqarasuaatikkut oqaluussinissamut chatternissamullu piareersimavugut.



**Ammasarfii/Ábningstider:**  
Ataa.-Tall./Man-Fre.: nal./kl. 10.00 - 16.00

## Aqutissiuussisutut imminut nalunaarutigigit

Nuna Tamakkerlugu Ilitsersuisarfiup (NTI) nunatsinni aqutissiuussinermik ataqtigiissaa-rineq inerisaanerlu suliassaraa. Aqutissiuussisutut NTI-mut nalunaarutigigit mak-kununnga qaaqquneqassaati:

- Najukkani attaveqatigiit ataatsimiinnerannut, NTI-mit aaqisuussassanut
- Qitiusumik immikkoortuni aqutissiuussisut ataatsimeersuarnerinut
- Nuna tamakkerlugu aqutissiuussisut ataatsimeersuarnerinut
- Aaqisuussinernut neqeroorutinullu allanut ingerlanneqarnissaat NTI-mit aaqisuun-neqartunut

Peqataaniarlutit nalunaarasuarit. Attaveqatigiit aqutissiuussisutut piginnaasanik ineri-saqataapput!

**UGGUUNA NALUNAARIT!**